



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Episcopo Et Canonicis Oscensibus.

urn:nbn:de:hbz:466:1-20006

VALTERO ARCHIEPISCOPO
& Capitulo Rothomagen.

Epist. 259.
De reparanda
Ecclesia decre-
tum majoris &
sanioris partis
obtinuit.
Cap. Ex parte.
De his que sunt
à maj. part. cap.

EX parte tua, frater Archiepiscopo, apostolicis fuit auribus intimatum quòd ad restaurandam fabricam Rothomagen. Ecclesia tractatum communiter habuistis, te frater Archiepiscopo postulante ut quilibet Canonicorum tecum pariter aliquam suorum reddituum portionem operi tam pio & necessario deputaret. Quia verò super hoc diversa fuerunt inter vos, filij Canonici, & variæ voluntates; ne tam laudabile opus ex vestra dissidentia negligatur, auctoritate præsentium duximus statuendum ut si qui vestrum ipsius Archiepiscopi & majoris & sanioris partis Capituli * futuris super hoc constitutionibus duxerint resistendum, obtineat sententia plurimorum. Nulli ergo &c. Datum Romæ apud S. Petrum V. Idus Iunij, Pont. nostri anno primo.

* In Quarta
Compilat. statu-
tis l. h. dux.

VALTERO ARCHIEPISCOPO
Rothomagen.

Epist. 260.
Ut aucter
sua jurisdic-
tione utatur, &
Regum minas
non pertimescat,
Pontificis
auxilio cõfilius.

ANxietate cordis & amaritudine premimur, cum angustias, onera, & gravamina, quæ zelo justitiæ pro libertate Ecclesiæ manutenenda æquo animo & invicta fortitudine toleras, ad memoriam nostram reducimus, & meditatione sedula cogitamus. Veruntamen quòd in te perfectionem virtutis adimplens, non potuisti à tuæ constantiæ proposito amoveri, tuam super hoc prudentiam commendamus, & fortitudini tuæ plurimum in Domino congaudemus. Nos autem fraternitati tuæ volentes patrocinium apostolicum impertiri, tam te quàm Ecclesiam regimini tuo commissam sub beati Petri & nostra protectione suscipimus. Verum quia, sicut ex literis tuis nobis innotuit, carissimi in Christo filij nostri Philippus Francorum & R. Angliæ Reges illustres, dum inter se componerent, statuerunt super caput tuum quatuor Clericos eligendos, ad quos pertineat judicare utrum tenere vel non tenere debeat sententia quam in terram vel homines Regum ipsorum profuis excessibus ordine canonico duxeris promulgandam; (quam si judicaverint non tenere, ipsis Regibus sive ei in cujus terram vel homines sententiam tuleris, licebit bona tua & redditus occupare, donec lata sententia revocetur) frater-

nitati tuæ sub pœna officij & beneficij districtiùs inhibemus ne illi tam iniquæ conventioni auctoritatem præbeas vel assensum; sed, sicut consuevisti, & antecessores tui fecisse noscuntur, tuæ jurisdictionis officium per tuam provinciam studeas exercere; nõsque sententiam ratam habemus, & habebimus, si quam in terras vel homines tuæ jurisdictioni subiectos hætenus canonicè promulgasti, vel amodo decreveris promulgare. Datum &c. ut supra, III. Nonas Iunij.

VVICORNIE. EPISCOPO.

QVamvis ad abolendam simoniacam pravitatem à prædecessoribus nostris varia emanaverint instituta, usque adeo tamen in quosdam Satanæ filios morbus ille irrepsit, ut adhuc, peccatis exigentibus, nec levi potuerit medicamine nec igne curari, quin eò potius iniquitatis semina pullularint, quòd amplius sollicitudo messorum ea vifa est suffocare. Significasti siquidem nobis quòd in dioecesi tua in tantum simoniacæ labes prævaluit ut quidam publicè fuerint ipsius contagio maculati, nec crimen suum aliqua possint tergiversatione celare. Eapropter, venerabilis in Christo frater, tuis precibus annuentes, eos quos tibi constiterit reos esse criminis memorati, appellatione frustratoria non obstante, canonicè puniendi liberam tibi concedimus auctoritate apostolica facultatem. Nulli ergo &c. Datum &c. VI. Idus Iunij.

Epist. 261.
De simoniacis
puniendis.
Vide caput
Quamvis ad
abol. De simo-
nia. in secunda
Collecta.

EPISCOPO ET CANONICIS
Oscensibus.

Mille nocendi modos & dolositates multiplices suorum mentibus spiritus perditionis inspirat, immo etiam eos potius dejicere nititur, quos majori viderit religioni astrictos. Non autem de ipsius nobis est fraudibus conquerendum, qui à suæ creationis primordio mala semper meditatus est in corde suo, propositis justis invidit, & iniquis cogitationibus aspiravit, sed de eo potius condolemus, cum in eos prævaleret qui religionis tenentur formam & habitum observare. Sanè cum nuper in Vrbe quidam in falsitate Bullæ nostræ deprehensi fuissent, & falsariorum fraude detecta, tutum non esset aliquibus per eos sui cordis malitiam exercere, G. quondam

Epist. 262.
Vt falsarios
quidam puni-
tur.

Vide supra epist.
254.

quondam Sacrista Oſcen. apud ſedem apoſtolicam conſtitutus ad quendam notariorum noſtrorum acceſſit, & ſe Sacriſtiæ renunſiaſſe officio in manibus noſtris & eam denuo à nobis recepiffe conſingens, literas ſibi ſuper hoc fieri poſtulavit. Cùm autem notarius ipſe, ut pote qui pro novitate ſua minùs inſtructus fraudes talium minùs noverat evitare, literas notatas ſecundùm arbitrium poſtulantis & redactas in groſſam literam in noſtra præſentia relegiſſet, nos, ut pote quibus nihil ſuper hoc propoſitum fuerat, literas illas falſas eſſe cognovimus, & per ſurreptionem obtentas. Cùm autem dictum G. conſtitutum in præſentia noſtra, qualiter res proceſſerat, curaſſemus de benignitate ſedis apoſtolicæ convenire, quia ſe in infirmitate poſitum per quendam ſocium ſuum ad nos tranſmiſſum Sacriſtiæ renunſiaſſe aſſeruit, eum perpetuò decernimus eſſe privatum; ei ſuper hoc, qui pro ſe conſeſſus eſt Sacriſtiam ſibi fuiſſe auctoritate apoſtolica reſtitutam, fidem nullatenus adhibentes, cùm id certo certius noverimus eſſe falſum; Ideòque diſcretioni veſtræ per apoſtolicam ſcripta mandamus, & diſtrictè præcipimus, quatenus eo ab officio Sacriſtiæ amoto, alium inſtituatis in ipſa, qui religionis propoſitum meliùs velit & noverit obſervare. Datum &c. Kalend. Iunij, Pontificatus noſtri anno primo.

AMBLIANEN. EPISCOPO.

His quæ à fratribus & coepiſcopis noſtris in favorem religionis poſtulantur à nobis, libenter annuimus, & votis ipſorum apoſtolicum libenter impertimur aſſenſum. Eapropter, venerabilis in Chriſto frater, tuis precibus annuentes, auctoritate tibi præſentium indulgemus ut niſi dilectus filius Abbas S. Martini de Gemellis Canonicos ſui ordinis in domo Spiſſi-Campi, quam ejus Eccleſiæ religionis obtentu ad inſtituendos ibidem ſui ordinis fratres liberalitate propria conſeſſiſti, duxerit ſtatueſſe, tu poſt trinam commonitionem, vel ejuſdem vel arctioris ordinis viros inſtituendi appellacione poſtpoſita liberam habeas facultatem; proviſurus tamen attentius ut ſi fortè prædictus Abbas excuſationem vel exceptionem legitimam oſtenderit, contra conſeſſio-

nem ei factam nullatenus venire præſumas. Nulli ergo &c. Datum Romæ &c. XVII. Kalend. Iunij.

VALTERO ROTHOMAGEN.
Archiepiſcopo.

Per noſtras poſtulaſti literas edoce-
ri, utrum Clericus aliquis ad vacan-
tem Eccleſiam, in qua jus obtinet patro-
natus, ſe ipſum, ſi idoneus eſt, valeat præ-
ſentare. Cùm igitur nullus ſe ingerere
debeat ad eccleſiaſtica prælationis offi-
cium, inquisitioni tuæ taliter responde-
mus, quòd nullus ſe poteſt ad perſona-
tum alicujus Eccleſiæ præſentare, quan-
tumcunque idoneus ſit, & quibuſcunque
ſtudiis & meritis adjuverur. Datum Ro-
mæ &c. III. Idus Iunij, Pont. noſtri an-
no primo.

E I D E M.

Non licet à capite membra diſce-
dere, aut inferioribus ſuperiorum
diſpoſitionibus contraire. Ea propter,
venerabilis in Chriſto frater, tuis pre-
cibus annuentes, auctoritate tibi præ-
ſentium indulgemus ut cùm in dioceſim
tuam protuleris ſententiam interdicti,
omnes tibi lege dioceſana ſubjecti eam
teneantur inviolabiliter obſervare, niſi
per ſpeciale privilegium vel aliàs legiti-
mè ad id ſe oſtenderint non teneri. Nul-
li ergo &c. Datum &c. ut ſuprà.

E I D E M.

Cum in aliquos ob ſuorum exigen-
tiam meritorum eccleſiaſtica di-
ſtrictionis cenſura profertur, & interdicti
vel ſuſpenſionis ſententia promulgatur,
tamdiu eam ſervari oportet firmiter &
teneri, donec ſatiſfactione congrua præ-
cedente eam deceat relaxari. Inde eſt
quòd cùm in quòſdam Clericos & laicos
tuæ dioceſis, ipſorum exigentibus me-
ritis, excommunicationis & interdicti
ſententiam promulgaris, & ipſi adhuc in
ſuæ iniquitatis contumaces intentione
perſiſtant, donec tibi & Eccleſiis ac
Clero, quibus injurias intulerunt, con-
gruè fuerit ſatiſfactum, eaſdem ſenten-
tias inviolabiliter ſine appell. remedio
volumus & præcipimus obſervari, frater-
nitati tuæ facultatem auctoritate præ-
ſentium indulgentes Clericos dioceſana
tibi lege ſubjectos, qui poſt interdictum
tuum divina præſumpſerunt aut de ce-
tero præſumpſerint officia celebrare, ſi-

S

Epif. 264.
Quòd nullus
poſſit ſcipſum
præſentare ad
Beneficia.
Cap. Per no-
ſtras. De jure
patronatus.

Epif. 265.
Sententia in-
terdicti ab Epif-
copo prolata
omnes obedi-
re tenentur.

Epif. 266.
Ejuſdem ſerè
argumenti.

Epif. 263.
Ut admonito
& negligente
Abbate, ipſe
monaſterium
inſtauret.